

Das ander capitel

35



**D**Amit stund hellila uff vnd gieng er vnd Dymna zu dem löwen in dem kam Senespa: ouch zu dem löwen gangen Der löw nam im wunder ab Senespas zu kunfft Vnd gedacht an die wort dymnas vñ besach Senespa mit sorgen vnd zorn Vnd do senespa vñ löwen die zeichen wie im dymna vor gesagt het ersach das er gegen im mit zornlicher geberd uffstünd vnd sin oren schmuckte vnd mit sinem wadel uff den herd schlug Vnd mit gesparten ougen ansach Vñ stund gedacht er das im dymna vor gesagt het Vnd sprach zu im selbs vnßällig ist der / der in der fürsten sal wesen sol Dann er muß in den größesten sorgen leben gleich dem der by schlangen vñ by giftigē tieren wont in iren Lauernen/ dan es mag by beiden nymer gut end nemen on merklichen schaden jr lybs oder eeren vnd gedacht damit ouch vñ sich zu lügen vnd mit vorteil in dem sal zu stund das er dem löwē entwychen mocht oder zu wer kummen bis durch yeman gescheiden würd Do der löw sach senespas vorteiligs ston vnd im vmbsehen erst gloubt er was im dymna gesagt het was geberd Senespa habe würd vñ sprang wider senespa vñ schlug in übel wund senespa wart sich so best er mocht doch mit erbietung sadlicher